

JAMHURI YA MUUNGANO WA TANZANIA

BUNGE LA TANZANIA



ORODHA YA SHUGHULI ZA LEO

MKUTANO WA KUMI NA TATU

KIKAO CHA TISA

16 NOVEMBA, 2018



ORODHA YA SHUGHULI ZA LEO

MKUTANO WA KUMI NA TATU

KIKAO CHA TISA – TAREHE 16 NOVEMBA, 2018

I. DUA:

II. HATI ZA KUWASILISHA MEZANI:

WAZIRI MKUU:

Taarifa ya Hali ya Dawa za Kulevya Nchini ya Mwaka 2017.

III. MASWALI:

OFISI YA RAIS (TAMISEMI):

106. MHESHIMIWA IGNAS ALOYCE MALOCHA (KWELA):

Atamuuliza Mheshimiwa Waziri wa Nchi, Ofisi ya Rais (TAMISEMI):- Barabara za Vijijini katika Halmashauri ya Wilaya ya Sumbawanga Vijijini zimekuwa ni kikwazo kikubwa cha kufanya Wananchi washindwe kuuza mazao yao na hivyo kuendelea kuwa maskini:-

- (a) Je, ni lini Serikali itatoa fedha za kujenga barabara ya Kaengesa – Kitete, Ilembo – Ntumbi – Itela, na Kavifutu – Laela;
- (b) Je, ni lini Serikali itatoa fedha za kujenga Daraja la Kaengesa.

107. MHESHIMIWA JACQUELINE NGONYANI MSONGOZI (VITI MAALUM):

Atamuuliza Mheshimiwa Waziri wa Nchi, Ofisi ya Rais (TAMISEMI):- Hospitali ya Wilaya ya Namtumbo ina miaka mitano (5) tangu ilipokamilisha ujenzi wa jengo la OPD lakini mpaka sasa hakuna uendelezaji wa ujenzi wa Wodi yoyote ile na hakuna fedha yoyote inayopelekwa kwa ajili ya ujenzi huo:-

Je, ni lini Serikali itapeleka fedha iliyotengwa katika bajeti kiasi cha Shilingi milioni 200 kwa ajili ya ujenzi huo.

WIZARA YA MAMBO YA NJE NA USHIRIKIANO WA AFRIKA MASHARIKI:

108. MHESHIMIWA BALOZI DKT. DIODORUS BUBERWA KAMALA (NKENGE):

Atamuuliza Mheshimiwa Waziri wa Mambo ya Nje na Ushirikiano wa Afrika Mashariki:-

Je, ni nini mafanikio ya utekelezaji wa Soko la Pamoja la Afrika Mashariki.

WIZARA YA MIFUGO NA UVUVI:

109. MHESHIMIWA ZAINAB MNDOLWA AMIRI (VITI MAALUM):

Atamuuliza Mheshimiwa Waziri wa Mifugo na Uvuvi:- Zipo aina mbili za ufugaji ambazo ni ufugaji wa kienyeji na ufugaji wa kisasa; ufugaji wa kuku wa kisasa hutumia dawa nyingi sana katika ukuzaji na hutumia muda wa wiki tatu hadi nne kutumiwa na binadamu:-

- (a) Je, kuku hao wana madhara gani kwa binadamu;
- (b) Je, Serikali ina mkakati gani wa kuwasaidia Wafugaji wa kuku kutumia njia bora ya kisasa ambayo haina mashaka kwa watumiaji.

WIZARA YA NISHATI:

110. MHESHIMIWA HASNA SUDI KATUNDA MWILIMA (KIGOMA KUSINI):

Atamuuliza Mheshimiwa Waziri wa Nishati:- Tunatambua juhudi za Serikali kuziwashia

umeme Kata tatu za Kandga, Kazura Mimba na Uvinza lakini umeme huo umeishia barabarani:-

Je, Serikali haioni umuhimu wa kupeleka umeme kwenye Vijiji vyote vya Kata hizo tatu pamoja na Taasisi za Serikali kama vile Shule, Zahanati na Vituo vya Afya.

111. MHESHIMIWA ABDUL-AZIZ MOHAMED ABOOD (MOROGORO MJINI):

Atamuuliza Mheshimiwa Waziri wa Nishati:- Maeneo mengi ya Jimbo la Morogoro Mjini hususan Kata za Mlimani, Bigwa, Lugala, Maanganya, Mkundi, na Kilobe hayana umeme:-

Je, ni lini Serikali itawapatia umeme Wananchi wa maeneo hayo.

WIZARA YA KILIMO:

112. MHESHIMIWA ALEX RAPHAEL GASHAZA (NGARA):

Atamuuliza Mheshimiwa Waziri wa Kilimo:- Mradi wa ujenzi wa Soko la Mkakati eneo la Nzaza Kata ya Kabanga mpakani mwa Tanzania na Burundi ulianza mwaka 2013 na ulitegemewa kukamilika mwaka 2014 kwa

gharama ya Shilingi 1,146,038,800/= lakini mpaka sasa mradi huo haujakamilika kutokana na Wizara ya Kilimo kutopeleka fedha:-
Je, ni lini Serikali itapeleka fedha ili kukamilisha ujenzi wa Soko hilo.

WIZARA YA MAJI NA UMWAGILIAJI:

113. MHESHIMIWA FLATEI GREGORY MASSAY (MBULU VIJIJINI):

Atamuuliza Mheshimiwa Waziri wa Maji na Umwagiliaji:- Miradi ya Maji iliyopo Mbulu Vijijini imekaa muda mrefu bila kumalizika mfano mradi wa ARR – Bashoy, mradi wa Tumatu, Mradi wa Bwawa la Dongobesh na mradi wa maji Haydom:-



Je, Serikali haioni kuwa inawatesa Wananchi wanaosubiri miradi hiyo bila mafanikio.

114. MHESHIMIWA CONCHESTA LEONCE RWAMLAZA (VITI MAALUM):

Atamuuliza Mheshimiwa Waziri wa Maji na Umwagiliaji:- Kuna miradi ya maji ambayo imetekelezwa kwa gharama kubwa lakini baadhi haina ufanisi na miradi hiyo ikifanyiwa ukaguzi utawezesha kubaini ni fedha

zilizotumika, miradi iliyokamilika na ambayo haijakamilika:-

Je, Serikali haioni kuwa kuna umuhimu wa kumuagiza CAG kufanya ukaguzi maalum kwenye miradi hiyo.

WIZARA YA UJENZI, UCHUKUZI NA MAWASILIANO:

115. MHESHIMIWA OLIVER DANIEL SEMUGULUKA (VITI MAALUM):

Atamuuliza Mheshimiwa Waziri wa Ujenzi, Uchukuzi na Mawasiliano:- Kivuko kilichopo Bukoba Vijijini Kyanyabasa hakikidhi viwango kabisa:-

Je, ni lini Serikali itaweka Kivuko au Daraja litakalokidhi viwango.

116. MHESHIMIWA JUMA SELEMANI NKAMIA (CHEMBA):

Atamuuliza Mheshimiwa Waziri wa Ujenzi, Uchukuzi na Mawasiliano:- Kata ya Lahoda haina Mawasiliano ya simu:-

Je, ni lini Serikali itajenga mnara wa Mawasiliano ili kuondoa adha inayowakabili Wananchi hao.

WIZARA YA AFYA, MAENDELEO YA JAMII, JINSIA, WAZEE NA WATOTO

117. MHESHIMIWA SILYVESTRY FRANCIS KOKA (KIBAHA MJINI):

Atamuuliza Mheshimiwa Waziri wa Afya, Maendeleo ya Jamii, Jinsia, Wazee na Watoto:- Lengo la Serikali ni kutokomeza ugonjwa wa Malaria nchini:-

Je, Serikali ina mkakati gani kukamilisha azma hiyo.

118. MHESHIMIWA SIKUDHANI YASSINI CHIKAMBO (VITI MAALUM)

Atamuuliza Mheshimiwa Waziri wa Afya, Maendeleo ya Jamii, Jinsia, Wazee na Watoto:- Moja kati ya matatizo yanayowakumba Akina Mama Wajawazito ni ukosefu wa Vifaa vya kujifungulia katika Zahanati, Vituo vya Afya na Hospitali:-

Je, Serikali ina mkakati gani wa kukabiliana na tatizo hilo.

119. MHESHIMIWA JESCA DAVID KISHOA (VITI MAALUM):

Atamuuliza Mheshimiwa Waziri wa Afya, Maendeleo ya Jamii, Jinsia, Wazee na Watoto:- Hospitali ya Mkoa wa Singida ina mapungufu mengi sana ya Kimiundombinu ikiwemo kukosekana kwa gari la Wagonjwa (*Ambulance*), uhaba wa Watumishi na Vifaa Tiba anuwai:-

Je, ni lini Serikali itatatua kero zinazowakabili Wananchi wa Singida wanaotumia Hospitali ya Rufaa.

WIZARA YA VIWANDA, BIASHARA NA UWEKEZAJI:

120. MHESHIMIWA ANNA JORAM GIDARYA (VITI MAALUM):

Atamuuliza Mheshimiwa Waziri wa Viwanda, Biashara na Uwekezaji:- Wilaya ya Hanang' iliyoko Mkoa wa Manyara katika Kijiji cha Gendabi kuna Ziwa la Chumvi linalozalisha chumvi inayotumika kusindika ngozi. Mpaka sasa wanaofaidika na chumvi hiyo ni watu wachache wanaosafirisha kwenda nchini Burundi kwa ajili ya kusindika ngozi:-

Je, Serikali ina mpango gani wa kutuma Wataalam wa viwango wa kuhakiki matumizi ya chumvi hiyo ili kujenga kiwanda bora kwa ajili ya kusindika ili kupata soko bora na Vijana wengi kupata ajira ya kudumu kutokana na kiwanda hicho.

IV. KAULI ZA MAWAZIRI:

WAZIRI WA HABARI, UTAMADUNI, SANAA NA MICHEZO:

V. MISWADA YA SHERIA YA SERIKALI:

(Kusomwa Mara ya Kwanza)

Muswada wa Sheria ya Marekebisho ya Sheria mbalimbali (Na. 4) wa Mwaka 2018 [*The Written Laws (Miscellaneous Amendments (No. 4) Bill, 2018*].

Muswada wa Sheria ya Mamlaka ya Hali ya Hewa Tanzania wa Mwaka 2018 [*The Tanzania Meteorological Authority Bill, 2018*].

Muswada wa Sheria ya Mamlaka ya Udhubiti Usafiri wa Ardhini wa Mwaka 2018 [*The Land Transport Regulatory Authority Bill, 2018*].

Muswada wa Sheria ya Marekebisho ya Sheria ya Vyama vya Siasa wa Mwaka 2018 [*The Political Parties (Amendments) Bill, 2018*].

Muswada wa Sheria ya Huduma za Maji na Usafi wa Mazingira wa Mwaka 2018 [*The Water Supply and Sanitation Bill, 2018*].

VI. MISWADA YA SHERIA YA SERIKALI:

(Kusomwa Mara ya Pili, Kamati ya Bunge Zima na Kusomwa Mara ya Tatu)

Muswada wa Sheria ya Huduma Ndogo za Fedha wa Mwaka 2018 (*The Microfinance Bill, 2018*).

(Majadiliano yanaendelea)

VII. TAARIFA YA KATIBU WA BUNGE:

VIII. HOJA YA KUAHIRISHA BUNGE:

WAZIRI MKUU.

IX. WIMBO WA TAIFA:

**DODOMA
16 NOVEMBA, 2018**

**S. KAGAIGAI
KATIBU WA BUNGE**